

宸垣識畧

卷七卷八

而

武宣

草教殿

槐柳街  
槐柳街  
槐柳街

太平湖

南關市口

承恩寺

前王殿  
後王殿

臭水河  
石馬街

髮頭

象安  
油房

綫

石老娘

扁担

子簾

燈籠

背川

子簾

松樹街  
中街  
壁瓦

扁担

羊毛

石牌

受水塘

學營

禮拜寺

福安

東鐵匠  
怕手

西鐵匠  
院察

公德街  
報恩街

筆管

頭二條  
三條

白虎廟

府前右

製衣庫

府左

府中

掃帚

府後

登聞院

廣善庫

道政司

草帽

道鐵

道鐵

道鐵

皇城

皇城

皇城

西車牌樓

鑲藍旗西南

卷七

棋盤街

大門

大門

皇城

鑲紅旗西中

卷七

長安街

西夾道

東夾道

坑段家

條頭

房油

衛公吳

虎石

老閣李

羅

松樹

街寺僕太

陰背

宮清林

細米

橋石干

房醬小

房醬大

房醬大

場板

園

大

街御刑

廟白

寺飯施

皮庫

廠打高

磨

西斜街

英子

子粉

車風

司馬兵

肉羊

胡家溝

京畿道

琉璃

沙鍋

兒坡土

袋口

所子釘

寬廠

乾魚

沈篋子

千張

寬街

常寺街

大截

窪泥後

角特

能寺

橋市馬

北蘭市口

院拔

絹屯

街伯寧廣

羊毛營

鴨子廟

王庄

錦石坊街

侯定武

庫衣烏

寺椒花

倉府王

車水

廳捕巡

營匠鉄

院學

擊遊

羊營

道孟

兒盆大

兒盆小

寺成大

園香

鵲喜

車水西

鑊子

順城街



宸垣識畧卷七

仁和吳長元太初氏輯

內城 三

西南  
西中南

鑲藍旗滿洲蒙古漢軍三旗與鑲紅旗接界之處係自單牌樓至宣武門金水橋向西至大城根滿洲官兵自與鑲紅旗接界處之長安街牌樓向東進西長安門至金水橋爲頭叅領之十八佐領居址自江米巷向北至長安大街中府左府四眼井周圍爲二叅領之十八佐領居址自河漕向東至石牌胡同文昌閣

宸垣識畧

卷七

一

拴馬莊馬神廟胡同爲三叅領之十八佐領居址自獅子口向東由皮市南口轉北至掃帚胡同西爲四叅領之十七佐領居址自西單牌樓向南由絨線胡同轉東至河漕沿六部口抽屜胡同關帝廟胡同牛肉灣爲五叅領之十七佐領居址蒙古官兵自宣武門至絨線胡同西口油房胡同南拴馬莊翠花胡同棗樹街爲頭叅之十三佐領居址中街半壁街前細瓦廠新簾子胡同舊簾子胡同爲二叅領之十二佐領居址漢軍官兵自西單牌樓西邊之抱子街東口

至西口爲頭叅領之五個半佐領居址自手帕胡同東口至西口爲二叅領之四佐領居址自鐵匠胡同東口至西口爲三叅領之四佐領居址自石駙馬大街東口西至棕毛胡同爲四叅領之五佐領居址自頭髮胡同東口向西至臭水胡同爲五叅領之四佐領居址

振武坊在正陽門內棋盤街西爲西江米巷東口

○明五軍都督府在闕西皆東向今廢其胡同猶存前府左府中府右府後府等名

### 宸垣識畧

卷七

二

鑾衣衛署在闕西西公生門直街近北東向卽明錦衣衛署

世宗御書堂額曰恪恭輿衛

明校尉官衣與教坊樂工同式但花色小異耳今猶沿明舊卽元時只孫衣也

太常寺署在闕西鑾衣衛之南東向

世宗御書堂額曰肅祗明禋神樂署犧牲所各祠祭署皆隸之

都察院署在闕西太常寺之南東向

聖祖御書堂額曰都兪吁咈又御製臺省箴清漢字碑  
各一通

明都察院在長安街之西與刑部大理寺審錄重囚  
共稱爲三法司

刑部署在闕西都察院之南東向卽明錦衣衛故址

世宗御書堂額曰明刑弼教堂後西南西北二隅各置

獄曰南北所北所圍垣東大榆樹一株傳爲明楊繼  
盛手植

施閨章夜值西曹詩吏散秋官署更闌夜氣清疎

宸垣識畧

卷七

三

簾寒燭影急柝亂砧聲露下圜扉濕天高貫索明  
平反誰執法竟夕獨含情

明時刑部在長安街西今俗呼刑部街者是也嘉靖  
間李攀龍王世貞徐中行輩俱官西曹相聚論詩建  
白雲樓于四川司時人目爲外翰林

查嗣琛雜咏詩甘露飛來綴栢枝白雲樓下坐談  
詩時平刑措原無事閒殺西曹似鳳池

大理寺署在闕西刑部之南東向爲明南鎮撫司署故  
址

世宗御書堂額曰執法持平

大理寺廡舍有怪石高四尺許兩峯角立一竅中通  
錦紋粲然誠天壤奇物見明林有麟素園石譜今無  
存

工部製造庫在刑部之東左府胡同丙丁戊三庫在西  
長安門內

通政使司署在西長安街路南北向

世宗御書堂額曰慎司喉舌

明通政司署 本朝改爲都察院今署乃移建之地

宸垣識畧

卷七

四

又明有登聞鼓院在西長安門小廳三間東向今併  
于通政司

明金幼孜晚出西長安門詩白髮毵毵老從官籃  
輿自便懶登鞍京華久住交游少惟有西山總耐  
看

辦理回人佐領事務處在時雍坊西長安街路南今地  
名回子營建禮拜寺有

御製碑

乾隆二十五年授白和卓爲回子佐領以投誠回衆

編爲一佐領于西長安街路南設回營一所居之共房百四十七楹設辦事房以內府官董其事

河南道署在刑部之南胡同內北向本京畿道署俗猶呼爲京畿道胡同

西城察院署在刑部後高碑胡同

中城察院署北城察院署在西江米巷江井胡同

東城察院署南城察院署在正陽門內西城根道北

多羅廣畧貝勒府在絨線胡同路北

長元按廣畧係封號非諡

宸垣識畧

卷七

五

右翼宗學在宣武門北絨線胡同

時憲局在宣武門東沿城根西口卽明天啟二年都御

史鄒元標副都御史馮從吾所建首善書院後禮部

尚書徐光啟率西洋人湯若望等借院修歷名曰歷

局 本朝仍令西洋人居此治理時憲書

聖祖御書門額曰天文歷法可傳永久

書院之設莫盛于元設山長以主之給廩餼以養之

幾遍天下其在京師者有太極書院明初各省俱有

書院自張江陵當國始行嚴禁江陵歿後復稍稍建



置一時著名者徽州江右關中無錫至天啟中京師始有首善書院不知者統謂之東林但借東林二字以害諸君子蓋東林乃無錫書院名也宋楊龜山先生所建後廢爲僧寺顧涇陽先生憲成自吏部罷歸購其地建楊先生祠同志者相與構精舍居焉至甲辰冬始與高忠憲數公開講其中立爲會約一以考亭白鹿洞規爲教然躬與講席者僅數人時涇陽先生已辭光祿之召不赴與新進立朝諸公漠無與也適忠憲起爲總憲疏發御史崔呈秀之贓呈秀遂父

宸垣識畧

卷七

六

事忠賢曰嗾忠賢曰東林欲殺我父子旣而楊左諸公交章劾璫益信諸人之言不虛也於是遂首毀京師書院而天下之書院俱毀矣

天主堂在時憲局東明萬歷二十八年建 本朝順治間修乾隆四十一年重建門額曰通微佳境有

世祖御製碑銘又

聖祖御書堂額曰密合天行曰盡善盡美後廳扁曰聲清氣和

天主堂構于西洋利瑪竇自歐羅巴航海九萬里入

中國崇奉天主堂制狹以深實正面向外而宛若側面其頂如中國捲棚式而覆以瓦正面止啟一門牕則設于東西兩壁之巔中供耶蘇像繪畫而若塑者耳鼻隆起儼然如生人左右兩甄樓夾堂而立左貯天琴日向午則樓門自開琴乃作聲移時聲止樓則閉矣右聖母堂以供瑪利亞作少女狀抱一兒耶蘇也衣無縫自頂被于體所印書冊以白紅一面反覆印之字皆傍行其書裝法如宋板式外以漆革護之用金屬成鈎絡所製有簡平儀龍尾車沙漏遠鏡候

宸垣識畧

卷七

七

鐘天琴之屬

南之右曰宣武門元爲順承門明正統間改今名人猶呼爲順承門

象房在阜財坊宣武門內西城牆象房橋側明弘治八年建

象初至京先于射所演習故謂之演象所而錦衣衛自有馴象所專管象奴及象隻特命錦衣衛指揮一員提督之凡大朝會役象甚多駕輦駝寶皆用之若常朝則止用六隻耳所受祿秩俱視武弁有等差其

在象房人有入視者能以鼻作鬻栗銅鼓聲觀者持錢畀象奴如教獻技必斜睨象奴錢滿數而後昂鼻俯首嗚嗚出聲將病耳中先有油出名曰山性發則預以巨縋縻繫之管象房緹帥申報兵部上疏得旨始命再驗發光祿寺距其斃已旬餘穢塞通衢過者避道大庖何嘗需此殘滓京師浮文大抵皆然也象性馴警不類他獸每朝則立午門之左右鐘鳴鞭響肅然翼侍俟百官入畢則以鼻相交而立無一人敢越進矣朝畢則復如常有疾不能立仗則象奴牽

詣他象所面求代行而後他象肯行不然終不往也有過或傷人則宣勅杖之二象以鼻絞其足踏地杖畢始起謝恩一如人意或貶秩則立仗必居所貶之位不敢仍常立甚可怪也六月則浴而交之交以水中雌仰面浮合如人焉自三代時已有之而晉唐業教之舞及駕乘輿矣

眞如寺在今頭髮胡同建于元保寧間峩峩僧眞如募緣故卽以眞如名其寺門北向以其背象房而立也寺在元季爲定力院南向今象房是其山門蓋象房

初設于報國寺以隔城故割定力院爲駐象所 本朝乾隆四十年重修

考按保寧係遼年號明黃輝碑作元誤矣

○王恭廠在宣武門西南隅明火藥廠今廢有前後王恭廠胡同

明天啟六年五月朔王恭廠震裂響若轟雷平地陷二坑約長三十步濶十三四步深二丈許塌屋一萬九百三十間壓死男女五百三十七人

王恭廠火後救出淨身男子吳二問之稱係本廠中

宸垣識畧

卷七

九

撮火藥人役但見颺風一道內有火光將滿廠藥罈燒發同作三十餘人盡死止存一人最可異者庭樹盡拔而無焚燎之迹藥樓飛去而陷數丈之坑庫車軍器如故石駙馬街有石獅重五千觔飛出順承門外是日京師婦女凡肩輿出行者皆于輿中自去其衣衣若有物攝之從空飛去墮昌平州

鑲紅旗官學在宣武門內頭髮胡同

承恩律寺在都城西南隅承恩寺街其址卽古雪堂爲戒壇下院明憲宗勅賜如幻禪師以戒律開山 本

朝康熙間燬于火後僧智性重建

鑲紅旗覺羅宗學在承恩寺街

長元按鑲紅旗宗學今在阜成門南錦石坊街孟道胡同不知何年設于此處

吉祥寺在今豬尾胡同承恩寺之右元泰定間建明季改名石鐙菴

萬歷丙午吳僧眞程自雲棲來居發古甃下得石幢一式如鐙臺旁鐫般若心經一部唐廣順二年少府裴監施朝請郎趙偃書時黃儀部汝亨手書石鐙菴

宸垣識畧

卷七

十

三字額之今寺中有石香鑪云卽舊傳石鐙然鑪上並無鐫刻則石鐙已不可考矣

湯右曾初秋小集石鐙菴詩巋然削出此香臺恰在蒹葭野水隈一夕肯拋明月去廿年曾共故人來因緣舊夢銷禪榻觸迕閒情付酒盃九陌歸途正燈火少留未用僕夫催

天仙廟在南閘市口明建有隆慶二年銅鐘一又崇禎間重修碑名泐無考

元弘寺在元弘寺街明建有 本朝順治間重修碑

保安寺在今保安寺街明正統間居番僧大德法王綽吉我些兒八年四月令大興宛平二縣撥佃戶二十于寺以供灑掃寺內有磬二一明正德五年一明萬歷四十六年

槐抱椿觀音菴在西南隅槐抱椿菴街係舊刹無碑碣可考其南爲祇園禪林前後相屬康熙七年重修○圓恩寺在阜財坊久廢今其地猶名圓恩寺胡同克勤郡王府在石駙馬大街

鑲紅旗滿洲蒙古漢軍三都統署俱在石駙馬大街

宸垣識畧

卷七

十一

固山恪僖貝子府在石駙馬大街臭水河北

榮親王府在老萊街

鐵佛寺在金城坊順承街四眼井鐵佛像見在寺中

鷲峯寺卽唐淤泥寺在內城西隅城隍廟之南鷲峯寺

街唐貞觀二十二年建亦名卧佛寺以卧佛得名鷲峯者唐僧之號也見唐人石刻心經中有旃檀瑞相體製衣紋踽踽欲動非近代人所能辦 本朝康熙

四年奉

敕移奉弘仁寺別以銅範如來像還供本寺乾隆二十

六年重修有

御製碑

京師鷲峯寺有旃檀釋迦接引像其足立處幾于交趾不作八字衣紋都作直褶如出水衣附著股臂間面目向上絕不似滿月相也高五尺許色近沈碧明萬歷中慈聖太后始傅以金佛在忉利天爲母說法時優填王思佛請目犍連神通攝匠人俾雕佛匠六雕得三十二相惟釋摩梵音像雕不得

宸垣識畧

卷七

十二

京師有唐人所書心經三一貞觀二十二年刻石在淤泥禪寺一趙偃書廣德二年刻石一大足年僧有晦建

明劉迎旃檀像詩我昔遊京師稽首禮瑞像堂堂紫金身示現大法藏莊嚴七寶几重疊九霞帳光如百千日晃耀不容望想初法王子運力攝諸匠瓌材發神秘妙斲出智創風流蜀居士翰墨老彌壯雷霆大地底音樂諸天上猶疑三十二不具梵音相不知一點真正勝千語浪鳴呼五因緣語綺

反成謗我今獨何幸相見問無恙文殊本無二何  
處覓真妄廣修香火供獲脫煩惱障天龍想驚喜  
訶衛日歸向已覺海潮音人天會方丈

正紅旗漢軍都統署在宣武門內鷺峯寺街

圓通菴在鷺峯寺東今名圓通禪林吳士雲水塘菴記  
石刻尚在殿中

水塘菴記畧云都城之有圓通菴與鷺峯禪刹並位  
其西則名山蒼翠林冽寒泉其東則帝宇森嚴百貨  
時集其北則城隍坐鎮神威濯靈其南則萬井烟環

### 宸垣識畧

卷七

十三

鳳城旋繞以故其地最勝何以呼爲水塘菴以菴外  
兩旁餘地有注水池通溝洫也主僧名道桂自歛西  
清泉寺而來

鑲藍旗滿洲都統署在華嘉寺胡同

○元世祖廟在金城坊明洪武中建今廢

明馬中錫謁元世祖廟詩世祖祠堂帶夕曛碧苔  
年久暗碑文薊門此日瞻遺像起輦何人識故墳  
綽楔半存蒙古字陰廊尚繪伯顏軍可憐樹老無  
花發白晝鶚鳴到夜分



敬謹親王府在東鐵匠胡同

鑲紅旗護軍統領署在西單牌樓抱子街

○慶元樓在順承門內街西麗春樓在順承門內與慶元樓相對乃元巴延太師之府第朝元樓在慶元樓北近乾石橋今俱無考

鑲紅旗滿洲蒙古漢軍三旗與正紅旗接界之處係自羊肉胡同向南至東單牌樓與鑲藍旗接界之處由皇城根西至大城根滿洲官兵自與正紅旗接界之處西四牌樓大街向南至單牌樓轉東至長安街

宸垣識畧

卷七

十四

牌樓爲頭叅領之十三佐領居址西安門大街南邊之板場胡同廊房胡同醬房胡同小醬房胡同東斜街細米胡同爲二叅領之十七佐領居址自細米胡同向南繖子胡同狗尾巴胡同背陰胡同太僕寺街李閣老胡同爲三叅領之十七佐領居址自李閣老胡同向南東夾道東岳廟小東岳廟演象所官磨房爲四叅領之十八佐領居址自繖子胡同向南堂子胡同石虎胡同蜈蚣衛胡同油房胡同茶葉胡同西夾道正溝胡同爲五叅領之十七佐領居址蒙古官

兵自四牌樓大街西邊之粉子胡同後泥窪十八半截豐盛胡同爲頭叅領之十佐領居址自豐盛胡同向北至兵馬司胡同燕兒胡同甄塔胡同爲二叅領之十二佐領居址漢軍官兵自四牌樓大街西邊之白廟胡同半壁街爲頭叅領之二佐領居址自白廟胡同向北車子胡同魚錢胡同沈篋子胡同爲二叅領之六佐領居址自千張胡同向南打磨廠半圈高井口袋胡同爲三叅領之四佐領居址自口袋胡同向南施飯寺皮褲子胡同東夾道胡同爲四叅領之

六佐領居址自東夾道胡同向南白廟胡同刑部街爲五叅領之四佐領居址

儀郡王府在西長安街雙塔寺東

雙塔寺在小時雍坊西長安街金章宗建卽元慶壽寺寺有塔二一九級一七級九級者額曰特贈光天普照佛日圓明海雲佐聖國師之塔七級者額曰佛日圓照大禪師可菴之靈塔寺有二像明重修易名曰大興隆寺又曰慈恩寺後廢卽其地爲射所名講武堂又以爲演象所今存殿廡數楹乃 本朝乾隆間

重修雙塔在寺西偏又東北半里許亦有名慶壽寺者中有崇禎間重修碑敘寺名源委又云射所中有殿祀北極關帝今雙塔寺稍東有關帝廟是慶壽寺地本宏敞兩寺均存其名

慶壽寺碑金党懷英八分書最妙明正統中爲中人所毀丈室之前松樾盈庭嘗引流水貫東西梁二石屏上刻飛渡橋飛虹橋六大字金道陵筆也明姚廣孝居慶壽寺事文皇于藩邸正統間重修改名大興隆寺壯麗甲于京師樹牌樓號第一叢林上臨幸焉

宸垣識畧

卷七

十六

當時有八景諸公賦詩成卷馬東田跋尾今無知者嘉靖間撤姚廣孝配食移主于大興隆寺又名大慈恩寺後改爲演象所會試放榜次日新郎君並集于其寺官廳內請見座主榜首獻茶于前亦可作南宮一佳話也

崇禎甲申三月十九日都城破工部尚書兼東閣大學士范景文于雙塔寺傍井中死之本朝順治間諡曰文忠

明吳國倫雙塔寺詩石塔參差御苑西凌空雙雁

識招提梵鈴風起聲相激仙掌雲分勢欲齊似引  
飛鳧朝帝闕豈煩鳴馬護禪棲長安落日馳車騎  
何處逢入路不迷

○明米萬鍾湛園近西長安門有石丈齋石林仙籟館  
茶寮書畫船繡佛居竹渚猷雲亭曲水松關飲光樓  
衆香國猗臺花徑諸勝

明米萬鍾自題湛園詩主人心本湛以湛名其園  
有時成坐隱爲客開清罇閒雲歸竹渚落日深松  
門登臺候山月流暉如晤言

宸垣識畧

卷七

十七

○袁伯修寓近西長安門有亭曰抱甕亭外多花木有  
大栢六長夏涼陰滿堦梨樹二開時香雪滿庭隙地  
作蔬圃小奴負甕以灌溉之

○朝爽樓在雙塔寺後呂氏園中樓也今無考按今雙  
塔寺後有名菜園者或卽其地

○明李東陽賜第在西長安門俗呼李閣老胡同

考按李東陽賜第爲祠久廢今其地猶名李閣老  
胡同中有耿氏房園雖已頽圯地甚寬敞當卽其  
遺址

○洪恩靈濟宮在皇城西明永樂年建祀五代徐知證及其第知諤今廢土人呼靈清宮

男子曾甲世居閩縣金鰲峯下灌園園中有破祠其神常棲箕自稱兄弟二人南唐徐知誥之弟知證知諤也晉開運二年率師入閩秋毫無犯閩人祀我于此自是書符療病驗若影響明永樂間成祖北征不豫召曾甲入侍運箕有驗遂封知證清微洞元真人知諤弘靖高明真人立廟皇城之西南後加封爲洪恩眞君又封號金闕玉闕上帝父母妻並封帝后元

宸垣識畧

卷七

十八

君成化間開西廠于靈濟宮前太監汪直領官校百餘人刺事嘉靖癸丑甲寅大學士徐階等于靈濟宮講學縉紳扳附學徒至千人

定固山貝子府在石虎胡同

鑲藍旗漢軍都統署在西單牌樓東堂子胡同寬街  
鑲藍旗蒙古都統署在西單牌樓東太僕寺街

衍聖公賜第在今太僕寺街

考按明史列傳仁宗踐阼孔彥縉來朝賜宅東安門北今不可考後英宗聞賜第湫隘以大第易之

卽今太僕寺街第也

○崇禎甲申三月京城破太僕寺街查氏一門九女子  
投繯死後二女復甦一度爲尼一壽終

固山惠獻貝子府在背陰胡同

鑲藍旗官學在西單牌樓東北乾石橋斜街

顯應觀在宣武大街乾石橋乾隆四十四年重修有  
御製碑

普恩寺在安福坊乾石橋北有明成化年碑 本朝康  
熙間重修

宸垣識畧

卷七

十九

定郡王府在乾石橋北鋼瓦市

禮親王府在西安門外東斜街醬房胡同口

固山恒愍貝子府在西安門外南街路西

崇聖寺在西安門外北城下明建有天啟甲子年鼎一  
本朝康熙間戶科給事中穆聯重修碑又明碑一  
磨去傳是魏忠賢立也

萬松老人塔在西四牌樓南大街之西其北則甄塔胡  
同 本朝乾隆十八年

勒修九級仍舊制塔尖則加合者也今乾石橋北有甄

塔七級高丈五尺石額曰萬松老人塔

金元間有僧自稱萬松野老居燕京從容菴耶律楚材見之叅學三年僧以湛然居士目之其語文正王曰以儒治國以佛治心王亟稱之老人有萬壽語錄釋氏新聞又善撫琴嘗從文正王索琴王以承華殿春雷及種玉翁悲風譜贈之又嘗寄孔雀便面附以詩云風流彩扇出西州寄與白蓮老社頭遮日招風都不礙休從侍者索犀牛傳之法門亦佳話也

大能仁寺在兵馬司胡同初名能仁元延祐中建明洪

宸垣識畧

卷七

二十

熙元年修加賜大能仁額

毛奇齡寄大能仁寺還一和尚詩遙望嚴城隔翠微靈山自昔會來稀堂開講席龍初下門傍閒田鳥自飛蹋足頓穿三寶地閑身不掛七條衣從他法臘年年換何日相逢話息機

大德顯靈宮在四眼井其舊門亦在兵馬司胡同相去半里許石額猶存舊蹟也明永樂時建成化中更拓之嘉靖中復建昊極通明殿東輔薩君殿曰昭德西弼王帥殿曰保真又營龍虎殿以奉真武西殿有栢

爲雷所劈委地如屏 本朝乾隆間重修有老松六  
虬枝屈曲蓋數百年物

按道家之言崇恩眞君姓薩氏諱守堅西蜀人在宋  
徽宗時嘗從虛靖天師張繼先及林靈素傳學道法  
而隆恩眞君則玉樞火府天將王靈官也嘗從薩眞  
君傳授符法明永樂中杭州道士周思得以靈官之  
法顯于京師附體降神禱之有應乃于禁城之西建  
天將廟及祖師殿宣德中改爲火德觀封薩眞人爲  
崇恩眞君王靈官爲隆恩眞官又建一殿奉二眞君

宸垣識畧

卷七

二十一

左曰崇恩殿右曰隆恩殿成化初改觀爲宮加顯靈  
二字每歲萬壽節正旦冬至及二眞君示現日皆遣  
官致祭崇奉可謂至矣

世傳靈官藤像文皇獲之東海崇禮朝夕如對賓客  
所征必載及金川河舁不可動問之曰上帝有界止  
此矣今藤像無

長元按道書王靈官名常漢時西蜀人從天師張  
陵學道于鳴鶴山者

明馮琦登顯靈宮閣詩極目長空雁影南十峯當



檻落晴嵐清秋斜日窺金像古木寒雲鎖石龕地  
迴樓臺三島接天低烟樹萬家含虛疑縹緲緱山  
頂時有簫聲駐霍驂

鑲黃旗覺羅宗學在乾石橋西南玉帶胡同

石佛寺在咸宜坊乾石橋西南劈柴胡同碑剝落不可  
讀先寺僧掘地得石佛一乃彌勒像寺由是得名舊  
志有大小石佛兩寺今無考

元至治元年帝詣石佛寺命樞密準台領圍宿士卒  
以備巡邏元統元年正月立司裡監奉太祖太宗睿

宸垣識畧

卷七

二十二

宗三朝御容于石佛寺

眞武廟在乾石橋西南大木廠內係舊刹無碑碣可考  
門外二石獅甚古

鄭親王府在大木廠

蠟燭寺在捨飯寺胡同今稱法光寺明季捨飯于此

○楊國公寺在北金城坊元楊總統之父也今廢

○金玉府在北金城坊東貯藏經版元文宗時敕印三  
十六部散施諸禪刹坊內有帝師大佛殿軍鐵庫今  
皆無考

都城隍廟在城西舊刑部街元稱佑聖王靈應廟天歷二年加封大都城隍神爲護國保寧王夫人爲護國保寧王妃明永樂中爲大威靈祠 本朝稱都城隍廟有

世宗暨

今上御製碑又御製詩

都城隍廟元碑七在寢殿後其四在左一長明鐙記立于至正二十六年十月一立于元貞元年正月韓從政撰許復書并篆額一立于至正四年九月余闕

宸垣識畧

卷七

二十三

撰文莊文昭書一立于至正二十五年十二月童梓撰文吳雲書張璩篆額其三在右一立于至元五年六月在栳撰文張禮書其兩碑則剝落不可復識矣寢殿內朱漆木桶二大可容數十石有萬歷時進造浴盆及換水二碑盖都中取水甚難貯此以備不虞而道士遂以神所沐浴謂目疾者洗之可愈用以誑人云

考按元時七碑今廢浴盆二尚存換水碑二亦無考又余忠宣碑至正四年立石文辭猥鄙青陽集

無之非公作也

長元按金石志貞元元年許復書者金佑聖王靈應碑至元五年張禮書者元佑聖王靈應碑至治四年莊文昭書者元城隍廟碑至正二十五年吳雲書者元護國佑聖王記又泰定三年元大都城隍佑聖王廟碑無撰書人姓氏至順二年元大都城隍廟碑虞集撰康里巉巉書此兩碑殆卽緇素錄所稱剝落不可復識者其長明鐙記本無撰人姓名又按任棡撰者大都城隍廟碑李郁書金石

宸垣識畧

卷七

二十四

志作元佑聖王靈應碑任棡撰張禮書者誤淄素錄同朱昆田云許復所書碑本元成宗元貞元年立石而劉同人于司直誤以元貞爲貞元遂目曰金碑莊文昭所書碑乃至正四年立石非至治也北京城隍廟中有石刻北平府三大字此國初舊物一老卒云其石長可丈六尺下有城隍廟三字旣建北京埋而露其頂儀門塑十三省城隍皆立像左右相對每歲順天府官致祭正統十二年重建城隍廟成有英宗御製碑

考按所稱儀門塑十三省城隍今考廟中祇列浙江等十二省而江南省獨缺蓋明代以江南省爲陪京故不與各省並北平府三字亦無

廟市者以市于城西之都城隍廟而名也西自廟東至刑部街止亘三里許其市肆大畧與燈市同第每月以初一十五二十五開市較多燈市一日耳今廟市以每歲五月初一日至初十日止非復每月三日矣

魏之琇謁都城隍廟詩祠垣森闕樹蒼蒼風馬雲

宸垣識畧

卷七

二十五

旗儼在堂共仰威靈圉社稷誰傳姓氏嬪于楊相傳

于忠肅楊忠愍相繼爲都城隍

四朝裡祀皇情肅萬邑安和帝道

昌屹立豐碑垂 聖藻願輸時雨與時暘

○東西二感聖廟在城隍廟南泥像今廢

關帝廟在都城隍廟西有明萬歷間鐘一又 本朝順

治間庶吉士周漁重建元君殿碑

右翼炮廠在宣武門內都城隍廟北

護國關帝廟俗呼鴨子廟在北開市口北太平橋元天

歷二年建有明萬歷間左諭德傅新德碑又 本朝

乾隆元年吏部主事傅廷資碑

鑲藍旗護軍統領署在北鬧市口北屯絹胡同

多羅順承郡王府在錦石坊街烏衣庫胡同

普壽寺在錦石坊街有勅建額

長元按寺係回教其大門內有小樓一座四面凌空殆卽回部朝夕禮日之所名爲納馬茲也

多羅簡靖貝勒府在王府倉胡同

正紅旗滿洲都統署在阜成門內錦石坊街

正紅旗蒙古都統署在阜成門內水車胡同

宸垣識畧

卷七

二十六

右翼前鋒統領衙門在阜成門內巡捕廳胡同

正紅旗官學在阜成門內巡捕廳胡同

歷代帝王廟在阜成門大街南向明嘉靖間以保安寺

故址建祀歷代帝王暨歷代從祀名臣 本朝順治

康熙間疊奉

欽定增祀雍正二年

世宗親詣行禮有

御製碑文乾隆二十九年修葺正殿易蓋黃瓦

皇上親詣行禮有

御製詩文四十一年又

欽定增祀南北朝五代帝主

親詣行禮有

御製碑記俱勒石墀下

帝王廟殿名景德崇聖之殿東西兩廡祀從祀名臣  
前爲景德門又前爲廟街門東西二坊曰景德立下  
馬牌通衢亦名景德街

長元按歷代帝王之祀明洪武六年建廟于金陵  
嘉靖初始于北京立廟所祀三皇五帝三王漢高

宸垣識畧

卷七

二十七

祖光武唐太宗宋太祖元世祖數開創之君而已  
後嘉靖二十四年撤去元世祖則費文通迎合識  
者非之 本朝初增祀元世祖明太祖康熙六十  
一年

聖祖諭旨凡帝王曾在位者除無道被弑亡國之主此  
外盡應入廟時廷臣議增歷代繼體之君并遼金二  
朝而蜀漢東西晉元魏後五代皆以偏安不與焉

乾隆四十一年

皇上以會典所載未能仰體

聖祖諭旨所增未協乃命廷臣復議于是昭烈晉元魏  
太武道武周世宗皆入祀典至明代之主

聖祖黜神熹二宗以爲亡國所由而愍帝身殉社稷  
特令庙祀今

皇上亦撤漢之桓靈與明神熹並爲殷鑒褒貶予奪毫  
釐不爽實昭千古之大公矣

弘慈廣濟寺在阜成門大街歷代帝王庙之東舊爲西  
劉村寺金時劉望雲建明天順中重建賜額 本朝  
康熙間重修有

宸垣識畧

卷七

二十八

聖祖御製碑并頒賜扁額寺有古樹老幹奇特僧呼爲  
鐵樹

今上有鐵樹歌勒石

嚴我師旃檀佛記畧康熙中王國弼與弟國臣得旃  
檀香高數尺寶而藏之江南劉拱北良工也爲刻佛  
像三年始竣以辛酉冬迎入廣濟寺供養

聖祖臨幸解白帨懸像有贊焉

補 一等敦惠伯第在西單牌樓石虎胡同

三等承恩公第在西四牌樓羊肉胡同

二等宣義伯第在阜成門大街

宸垣識畧

卷七

二十九

宸垣識畧卷七